

Sihlinz: Banh Aen Hozdung “Gamj-aen Mingzleix Vutgungz Gag’ak”

西林：举办“明理感恩 自强脱贫”活动

Vih caenh’ itbouh gyalæg gyoengq beksingq rox cwngecwz hawj lwgminz ndaej ik, hungzyangz ganbu vunzlai binjeiz ndei gaenx、mbaet、miz cwzyin、miz gyaepgouz, doengzseiz dwkhingz bi 2018 vutgungz ciengz ciengq gunggeng neix. 7 nyied 24 hauh banhaet, Sihlinz Yen Senhconzbu lienzhab Yen Vwnz-gvangjdijgiz daengz gag mbanj bae haiguh “gamjaen mingzleix vutgungz gag’ak” cetcunz yienjheiq hozdung.

Doenggvaq cetcunz yienjheiq hozdung, daezsang le vunzlai gij cujdung-

sing caeuq gaenxmaenxsing camgya vutgungz gunggeng. Hozdung neiyungz lai cungj lai yienh, youq yienjheiq gocwngz ndawde mboujduenh caphaeuj camdap cihsiz miz ciengj cwngecwz banggungz, ndaej daengz vunzlai angqcoux.

(Vangz Civeij/黄志伟)

► Gyoengq yenjyenz youq gwnz daizheiq yienj diuz gofoux caemhgya caen.



Lungzswng: “Seiq Haeuj Seiq Gangj” Banh Ndei Seizdaih Moq Gyangjsizsoj

龙胜：“四进四讲”办好新时代讲习所



▲ Sou ndaej baenz doengj ma doxcomz dwk yaek dawz bae gai.

Lozcwngz: 500 Moux Mak-maenjcaw Dawzmak Ndaej Gai

罗城：500亩珍珠李挂果成熟

7 nyied 25 hauh, youq aen suenmak Lozcwngz Mulaujcuz Swciyen Genh’ ai Yangh Ganhfunz Cunh, gyoengq cunhminz nyaengq mbaetsou makmaenjcaw.

Genh’ ai Yangh dieg youq baihsaebaek Lozcwngz bien gyaе, haijbaz haemq sang mbwn nit, dwg daengx yienh dieg hohgungzhoj haemq lai he. Vihliux gyavaiq vunzlai vutgungz, bi 2015, Genh’ ai Yangh Dangjveij Cwngfuj nyinhcaen ca ndei hong canjyez banggungz lwgmak “sam daegbied”, gaenxmaenx yinx Lozcwngz Yingzfungh Ndaemciengx Nungzminz Conhyez Hozcozse youq rangh Boda’ gvaniuz Mbanjyaujhoz haijbaz 700 mij baedauq haenx guhyienh ndaem makmaenjcaw, bineix gaenq miz 500 moux hainduj dawzmak ndaej gai, gujsuenq canjliengh dabdaengz 7.5 fanh goenggaen, souhaeuj dabdaengz 75 fanh lai maenz, baenz Genh’ ai Yangh aen canjyez vutgungz moq ndeu.

(Mungz Cwnghsw/蒙增师)



▲ Cunhminz angqfwngfwng dwk sou makmaenjcaw lo.



▲ Nungzgi conhyah haeuj gvangjsizsoj bae son gisuz.

7 nyied 25 hauh, Lungzswng Gak Cuz Swciyen Gohhez iucingj nungzgi conhyah daengz Lungzeiz Cin Yozvuj Cunh “Gyangjsizsoj”, vih dangdieg vunzlai son gisuz ndaem makbakhom.

Bineix gvaqdaej, Lungzswng aeu ganbu haeuj gyangjsizsoj gangj cwng-cwz、conhyah haeuj gyangjsizsoj gangj ginwngz、ndaw yangh bouxmaenh’ ak haeuj gyangjsizsoj gangj daudwz、hohvutgungz haeuj gyangjsizsoj gangj vutgungz, aeu hingzik “seiq gangj seiq haeuj” cauhsan gyangjsizsoj seizdaih moq, baengh gyangjsizsoj seizdaih moq daezsang giekdaj ganbu vunzlai cunghab suciz、daezsang vunzlai gungzhoj vutgungz baenzfouq hwngfat naengzlig. Daengz seizneix, gyangjsizsoj seizdaih moq gaenq gyuem daengz daengx yienh 119 aen hingzcwng cunh.

(Veiz Gizyangz/韦吉阳)

Cauhbingz: Canjyez Lwgmak Daegsaek Bangcoh Gaujhoengh Lajmbanj

昭平：特色果品产业 助力乡村振兴

7 nyied 24 hauh, canghndaemmak Cuh Ginjfaz youq ndaw suen makit Cauhbingz Yen Cauhbingz Cin Fuyi Cunh mbaetsou makit gifungh ok haw gai.

Geij bi neix daej, Cauhbingz Yen gaenxmaenx yinx gyoengq nungzminz diuz-cingj canjyez gezgou, sawjyung haw aen mozsi “hozcozse + gihdi + nungzhoh”, doxcomz lienzrangh baenz doengh ndaem makgam-diengz、makbakhom、makit daengj lwgmak daegsaek, sawj gyoengq hohdajndaem daj gveihmozva、cizyozva、sicangza ndawde ndaej ik, byaij ok liuz loh gaujhoengh guhhung canjyez daegsaek bangcoh lajmbanj hwngfat.

(Liuz Feih/刘飞)



▲ Maknungz sou makit gifungh ok haw gai.